




Wild Bingingkraut.

CCXLIX.

III 3

Von wild Bingelkraut. Cap. CLXVIII.

Namen.

Als wild Bingelkraut würt auff Griechisch Cynocrambe genent/ oder Cynia / oder Linozostis agria / zu Latein Canina brassica/ vnd syluestris Mercurialis. Etlich heysen dis kraut auff Teütsch Hundstöl nach dem Griechischen namen.

Geschlecht.

Des wilden Bingelkrauts seind auch wie des zamen zwey geschlecht/menn le vñ weible. Haben keinen vnder scheyd daß allein im samen/welcher am menn le ist zwey runder kömlin/als zwey hödlin. Am weible aber ist er nach zu samen getrunge/wie die kleinen treublin.

Gestalt.

B Das wild oder wald Bingelkraut gewindt einen stengel mit vil über spaßen hoch/der ist zart/vñ weislecht. Die bletter seind dem zamen Bingelkraut gleich/ doch ein wenig grösser / vnd gleych weit von einander. Der sam am mennlin zwischen den blettern/seind zwey runde kömlin/ als zwey hödlin neben einander/ in kleinen heütlin verschlossen. Aber am weible ist er ganz drausselecht wie die kleinen treublin bey einander an einem kleinen style/ das wechset zwischen den blettern herauf. So die zeitig werden/springt der rund blawfarb same her auf. Die wurzel ist ganz zafecht vnd fladert hin vnd wider.

Statt irer wachsung.

Die wilden Bingel wachsen fürnemlich inn den wälden. Werden zu zeiten auch auff den hohen bergen neben den zeünen vnd hecken gefunden.

Zeit.

C Wild Bingelkreüter blüen im Aprillen/vñnd bringen frucht oder samen im Meyen.

Die natur vnd complexion.

Die wilden Bingelkreüter / dieweil sie am geschmack kein vnder scheyd haben von den zamen/seind sie einerley natur vnd complexion.

Die krafft vnd würckung.

Die wilden Bingel wie andere grüne kreüter gessen / lindern den stülgang. In wasser gesotten vnd getruncken / purgieren sie vñnd treiben auß die gallen/ vnd das wasser im leib. Vnd in summa/haben alle würckung der zamen/ von welchen wir hernach schreiben wollen.

Von Senet. Cap. CLXIX.

Namen.

Senet nennen wir hie die kreüter so vom Theophrasto Colutea genent werden / darumb das sie einander / fürnemlich mit den blettern/gleich seind.

Geschlecht.

Der kreüter darvon wir hie handeln / seind zwey geschlecht. Eins würt fürnemlich vom Theophrasto beschriben/vñnd Colutea geheysen. Ist in den Apotecken vn bekant/bey vns nent mans welsch Linsen. Das ander würdt von dem Actuario Sena genent/welchen namen die Apotecker/die dis geschlecht